

domi stare non poterant, largo et liberali viatico commovebat. Hos significat pauperes et egentes, qui nullo patrimonio sustinerentur, ac propterea pecuniae largitione ad falsum testimonium provocatos; nam stare eos dicebant veteres, qui habebant idoneam rem familiarem. Similiter et in oratione, quae habita est apud populum post fugam Catilinae *si stare inquit non possunt, conruant, sed ita, ut non modo civitas sed ne vicini quidem proxumi sentiant.*

10 Non iure iurando constricta, sed porrigenda § 15.
manu.

Hanc Graeci . . . dicunt. Itaque . . . morem nationis plurimum dissentire a fide et religione testium confirmat ex hoc, quod non iurare soleant in aliquam rem, sed 15 tantum porrecta manu consentire, ex quo praeceps temeritas colligi potest.

Sedentis contionis.

§ 16.

Plerumque enim Graeci in theatro consulebantur et ita decreta faciebant.

20 Tum optime meritos civis e civitate eiciebant.

Legimus enim duces maximos et inlustres in exilium relegatos ab Atheniensibus vel etiam in vinculis necatos ut Miltiadem, Themistoclem, Aristidem, Alcibiadem.

Caesus est virgis Cymaeus ille Athenagoras, § 17.
25 qui in fame frumentum exportare erat ausus.

Graviter et congeste valuisse causam ostendit, quare potuerit Athenagoras ad mentiendum provocari: propter